

014 lā-pue 佻虱目仔 // 甘露 (04/07thk 改寫)

日頭又欲沉落海--矣,一隻lā-pue 佻 (khiā) 佇海茄苳頂面向 (ng) 海,伊烏烏長長閣扁扁的喙 (tshui),予 (hōo) 欲落海的日頭光染做烏tòo紅仔烏tòo紅。這個時陣,有一陣北風對 (ùi) 北片 (pîng) 吹--來,共lā-pue頭殼頂長長的鳥仔毛搨 (siàn) kah 缺一片 (khih~pîng),毋閣這隻lā-pue一屑仔都毋驚寒,日調全款掠日頭金金相。

「5秒、4秒、3秒、2秒、1秒,沉--落去,今仔日這擺是上尾一擺佇遮 (tsia) 算秒--矣,明仔載就欲上北轉去北方--矣,毋知十--月我閣轉--來的時陣,遮的自然環境會變做按怎。毋閣我會當 (tàng) 確定,時--到日頭光全款會共我的喙染做我上佻意的烏tòo紅。」lā-pue那相日頭,喙--裡那咧唸,講煞,隨對魚塭 (ùn) 仔遐 (hia) 飛--去。

「È-î,下跤彼窟魚塭仔有飼虱目仔, mh! 頭拄仔才咧練飛,飛kah腹肚足枵 (iau) --的,來抽兩尾仔好料--的,明仔載毋才有氣力飛轉去北片。」lā-pue對天頂飛--落來的時陣,看著水池仔內發生一件誠心適的代誌。

虱目仔:「He~he~,叫我第一名!叫我第一名!」原來是一隻生做無kah佻大隻的虱目仔,搶佇 (tī) 魚陣的上頭前咧泅 (siû) 來泅去。

lā-pue:「第一名? hng!你愛出頭做第一,好!我欲食嘛共你食第一!」講煞,隨共 (kā) 虱目仔 ùi 水--裡啄 (tok) --起來。

虱目仔:「Aih--iah...aih--iah,緊共我我放--轉去啦,共我放--轉去啦,老五--的!」

lā-pue揸無tsáng:「老五--的?你是咧叫啥? 啥是老五--的?」

「就是你啊!你就是老五--的啦!」虱目仔緊應話。

lā-pue:「莫烏白講!欲死--矣閣無正經!」

「啥乜 (mih) 咧無正經!我叫你老五--的,當然有道理啊,這幾工你佻佻彼陣lā-pue (lā-pue) 朋友練飛的時陣,你攏綴 (tuè) 佇第四隻後壁,我佇水--裡斟酌看真久--矣,袂看毋著--啦!老五--ê,老五--ê,嘻~嘻~,無膽--的才做老五--的...」虱目仔用話共lā-pue激,想講看有機會會當旋 (suan) --去無。

lā-pue (lā-pue) 中計,氣怱怱:「好!予你看kah遮無夠重,今仔日先饒你一命,明仔載我飛第一予你看。」lā-pue講煞,喙開--開,共虱目仔放轉去水--裡,氣掣掣 (tshuah-x) 就飛走。

隔轉工透早。

lā-pue：「Heh~heh~，叫我第一名！叫我第一名！臭虱目仔，你有看--著無？我飛第一--矣！」

lā-pue陣（tīn）：「頭前--ê，你咧創啥--啦？北月毋飛，飛去魚塭仔，你有tshuā毋著路--無？」

lā-pue：「失禮...失禮...」

lā-pue陣：「eh！頭前--的，昨昏練習你ká-ná 是排佇後壁--的hōnn？」

lā-pue：「我昨昏排第五，今仔日拄升級做...做...做第一--啦！」

（約800字）